

დამტკიცებულია  
წყალტუბოს მუნიციპალიტეტის მერის  
სათათბირო ორგანოს,  
„სამოქალაქო ბიუჯეტის საბჭო“-ს მიერ  
2018 წლის — ივლისს\_

## წყალტუბოს მუნიციპალიტეტის მერიის „სამოქალაქო ბიუჯეტი“-ს ფორმირების წესი

სამოქალაქო ბიუჯეტი დემოკრატიის ერთ ერთი უმნიშვნელოვანესი ელემენტია - საზოგადოების ჩართულობა მათთვის ყველაზე მნიშვნელოვანი საკითხების გადაწყვეტის პროცესში. ამ მიზნის მისაღწევად საუკეთესო სფეროა თვითმმართველობის ფინანსური პოლიტიკის ფორმირება და მისი მეშვეობით მუნიციპალიტეტის განვითარების მიმართულებების განსაზღვრა. ამის საშუალებას იძლევა სამოქალაქო ბიუჯეტი.

სამოქალაქო ბიუჯეტი - არის პროცესი, რომელიც საზოგადოებას საშუალებას აძლევს მონაწილეობა მიიღოს მუნიციპალიტეტის ბიუჯეტის დაგეგმვაში. მოქალაქეთა ბიუჯეტის მეშვეობით მოქალაქეებს შეუძლიათ თვითონ გადაწყვიტონ თუ რაში დაიხარჯება მუნიციპალიტეტის ბიუჯეტიდან გამოყოფილი გარკვეული თანხები.

მუნიციპალიტეტის ბიუჯეტის განაწილებისა და ხარჯვის პროცესში მოქალაქეების ინტერესის გათვალისწინება სულ უფრო მეტ მნიშვნელობას იძენს თანამედროვე დემოკრატიული მმართველობისა და მოქალაქეთა ჩართულობისათვის. წყალტუბოს მუნიციპალიტეტის მხრიდან ადგილობრივი ბიუჯეტიდან გამოყოფილი გარკვეული თანხები ადგილობრივი მოსახლეობის ინიციატივების შესაბამისად, საშუალებას მისცემს მუნიციპალიტეტის მკვიდრთ განახორციელონ მათთვის მნიშვნელოვანი პროექტები (ინფრასტრუქტურული, ახალგაზრდული, საგანმანათლებლო, ან კულტურული, სოციალური, სპორტული და სხვ.), ანუ თავად დაგეგმონ პროექტები მომავალი წლის ბიუჯეტში და თვალყური ადევნონ მის განვითარებას.

ქალაქ წყალტუბოს მუნიციპალიტეტი იყოფა 3 ზონად:



### პირველი ზონა

(ავალიანის ქუჩა, წერეთლის ქუჩა, ვაჟა-ფშაველას ქუჩა, კავკასიონის ქუჩა, ოტია იოსელიანის ქუჩა, შევჩენკოს ქუჩა, ხვამლის ქუჩა, ყაზბეგის ქუჩა, ნინოშვილის ქუჩა, ზაალიშვილის ქუჩა).

### მეორე ზონა

(შანიძის ქუჩა, 9 აპრილის ქუჩა, ტაბიძის ქუჩა, ლერმონტოვის ქუჩა, 9 მარტის ქუჩა, სარაჯიშვილის ქუჩა, გამსახურდიას ქუჩა, ევდომშვილის ქუჩა, ხანძთელის ქუჩა, მესხის ქუჩა, დუმბაძის ქუჩა, კეცხოველის ქუჩა, გოგებაშვილის ქუჩა, კოსტავას ქუჩა, რუსთავის ქუჩა, ბაგრატიის ქუჩა, ნიკოლაძის ქუჩა).

### მესამე ზონა

(დედა ენის ქუჩა, ფარნავაზ მეფის ქუჩა, მირიან მეფის ქუჩა, გელათის ქუჩა, ერისთავის ქუჩა, ჭავჭავაძის ქუჩა, ბესიკის ქუჩა, გურამიშვილის ქუჩა, კოლხეთის ქუჩა, შავიანიძის ქუჩა, თბილისის ქუჩა, ჩოლოყაშვილის ქუჩა, კლდიაშვილის ქუჩა, ჭაბუკიანის ქუჩა, ტ. ტაბიძის ქუჩა, დადიანის ქუჩა, ბარნოვის ქუჩა, თაყაიშვილის ქუჩა).

- ✓ მომდევნო წლისათვის „სამოქალაქო ბიუჯეტი“-სათვის განკუთვნილი თანხა განისაზღვრება ჯამში 150. 000 (ასორმოცდა ათი ათასი) ლარის ოდენობით, თითოეული ზონისათვის ჯამში 50. 000 (ორმოცდათი ათასი) ლარის ოდენობით. აღნიშნული თანხის ფარგლებში შესაძლებელია დაფინანსდეს როგორც ერთი დიდი პროექტი, აგრეთვე რამდენიმე მცირე პროექტი.
- ✓ მოქალაქეთა კოორდინაციისა და ინფორმირებულობისათვის, თითო ზონაში გამოიყოფა ერთი კოორდინატორი და ერთი კოორდინატორის თანაშემწე, რომლებიც ზონებში მერის წარმომადგენლებთან ერთად, მუნიციპალიტეტთან ურთიერთკოორდინაციით განახორციელებს პროგრამის ფარგლებში განსაზღვრულ საქმიანობას, კერძოდ: კოორდინატორები იქნებიან ადგილობრივი, რომლებიც აკმაყოფილებენ შემდეგ კრიტერიუმებს:
  - აქტიურად იქნებიან ჩართულნი საზოგადოებრივ ცხოვრებაში;
  - კოორდინატორი აკომპლექტებს „წარმომადგენლობით საბჭო“-ს (გონივრულ ფარგლებში, რაოდენობა შეზღუდული არ არის), რომელიც უნდა შეიქმნას თითოეულ ზონაში შემავალი, უბნებიდან. „წარმომადგენლობით საბჭო“ იქნება მუდმივმოქმედი ჯგუფი პროექტის მიმდინარეობის პერიოდში. რომლის ფუნქციას წარმოადგენს: დაეხმაროს ლოკალურ კოორდინატორს, არასამთავრობო და სხვა ორგანიზაციებს



მოსახლეობის ინფორმირებაში, რეკომენდაციების გაწევაში, პროექტის განაცხადის შევსებასა და პროექტის საბოლოო შერჩევის მიზნით ღია კენჭისყრის პროცედურის განხორციელების ტექნიკურ მხარდაჭერაში.

„სამოქალაქო ბიუჯეტი“-ს პროექტში მონაწილეობის უფლება აქვს საქართველოს ქმედუნარიან, სრულწლოვან მოქალაქეს, რომელიც რეგისტრირებულია ან/და ფაქტობრივად ცხოვრებს წყალტუბოს მუნიციპალიტეტის ტერიტორიაზე.

მოქალაქეს შეუძლია წარმოადგინოს ისეთი პროექტები, რომელიც შედის წყალტუბოს მუნიციპალიტეტის მერიის თვითმმართველობის კომპეტენციაში და არ აღემატება ქალაქ წყალტუბოსთვის გამოყოფილ თანხას. პროექტი წარმოდგენილი უნდა იყოს წერილობითი ან ელექტრონული ფორმით სპეციალური სააპლიკაციო ფორმის მიხედვით (ელ.ფოსტის მისამართი: [tskaltubo1@gmail.com](mailto:tskaltubo1@gmail.com).)

✓ პროექტების წარმოდგენის პერიოდია: 15 ივლისიდან 6 აგვისტოს ჩათვლით.

✓ პროექტის წარმოების წესი:

**- I ეტაპი:**

პროექტის განხორციელების საწყის ეტაპზე, პროექტის კოორდინატორი, რომელიც უშუალოდ ჩართულია პროცესის მიმდინარეობაში, მერის წარმომადგენლის ხელშეწყობით, ატარებს საინფორმაციო შეხვედრას, სადაც ახდენს მოსახლეობის ინფორმირებულობას გამოკითხვის შედეგად გამოვლენილი პრიორიტეტების შესახებ და აწვდის მოქალაქეებს ინფორმაციას პროექტის განხორციელების მიზნებზე და შესაძლებლობებზე;

**- II ეტაპი:**

მოქალაქე კოორდინატორის დახმარებით შევსებულ სააპლიკაციო ფორმას წერილობით ან ელექტრონული ფორმით ( საკუთარი ან კოორდინატორის ელ-ფოსტიდან) წარმოდგენს წყალტუბოს მუნიციპალიტეტის მერიაში „სამოქალაქო ბიუჯეტი“-ს ფარგლებში გამოცხადებულ პროექტში მონაწილეობის მიღების მიზნით.

მოქალაქეთა საპროექტო ინიციატივა უნდა აკმაყოფილებდეს ქვემოთ ჩამოთვლილ კრიტერიუმებს:

ა) პროექტის წარდგენის უფლება აქვს საქართველოს ქმედუნარიან, სრულწლოვან მოქალაქეს, რომელიც რეგისტრირებულია ან/და ფაქტობრივად ცხოვრებს წყალტუბოს მუნიციპალიტეტის ტერიტორიაზე.

ბ) პროექტი შედგენილი უნდა იყოს წერილობითი ან ელექტრონული ფორმით, რომელსაც ხელს აწერს პროექტის ავტორი, პროექტის ინიციატივის არანაკლებ 20 მხარდამჭერი.



გ) პროექტი უნდა მოიცავდეს: პროექტის არსს, მიღების მიზანსა და დასაბუთებას, ფინანსურ ხარჯებს, პროექტის განხორციელების ვადას (პროექტის განხორციელების ვადა არ უნდა აღემატებოდეს 1 წელს).

დ) პროექტი უნდა პასუხობდეს დამოუკიდებელი ორგანიზაციის მიერ ჩატარებული კვლევის საფუძველზე გამოვლენილ პრიორიტეტებს.

### III ეტაპი:

სააპლიკაციო ფორმის მიღების შემდეგ, მერისთვის წარდგენილი საკითხი რეგისტრირდება „სამოქალაქო ბიუჯეტის საბჭო“-ს დღის წესრიგში, რომელსაც „სამოქალაქო ბიუჯეტის საბჭო“ განიხილავს უახლოეს სხდომაზე;

„სამოქალაქო ბიუჯეტის საბჭო“ წარმოდგენილ პროექტებს განიხილავს შემდეგი კრიტერიუმების მიხედვით:

- სამართლებრივი ასპექტები (არის თუ არა მუნიციპალიტეტი უფლებამოსილი განხორციელოს წარმოდგენილი პროექტი);
- ტექნიკური ასპექტები (რამდენად შესაძლებელია პროექტის განხორციელება);
- ფინანსური ასპექტები (წარმოდგენილი პროექტის სავარაუდო ღირებულების შეფასება);
- პროექტის განხორციელების ვადები;

თუ საპროექტო ინიციატივა ვერ აკმაყოფილებს აღნიშნულ კრიტერიუმებს საბჭო უფლებამოსილია დაადგინოს, რომლის გამოსწორების ვადა არ უნდა აღემატებოდეს 5 დღეს ან/და უარი თქვას შესაბამისი დასაბუთებით ინიციატივის დაკმაყოფილებაზე.

სარეკომენდაციო გადაწყვეტილება საპროექტო ინიციატივის შემდგომ ეტაპზე გადასვლასთან დაკავშირებით სამართლებრივი, ტექნიკური, ფინანსური ასპექტების გათვალისწინებით ან უარის თქმის შესახებ არაუგვიანეს 5 სამუშაო დღისა წარედგინება მუნიციპალიტეტს მერს, რომელიც დადებითი გადაწყვეტილების მიღების შემთხვევაში აცნობებს როგორც საპროექტო ინიციატივის ავტორს, ასევე მერიის საფინანსო-საბიუჯეტო სამსახურს მომავალი წლის ბიუჯეტში ასახვის მიზნით, ხოლო უარყოფითი გადაწყვეტილების მიღების შემთხვევაში შესაბამისი დასაბუთებით აცნობებს განმცხადებელს, რამოდენიმე საპროექტო ინიციატივის წარმოდგენის შემთხვევაში მერი ინიციატორს მას უბრუნებს წინადადებით მათთვის პრიორიტეტული პროექტის ღია კენჭისყრის წესით არჩევისა და წარმოდგენის მიზნით.

წარმოდგენილი პროექტების განხილვა დასრულდება და პირველადი შედეგები ოფიციალურ საიტზე და გაზეთ „ახალი წყალტუბო“-ში განთავსდება 31 აგვისტოს ჩათვლით.



- IV ეტაპი:

პირველადი შედეგების შემდეგ რამოდენიმე საპროექტო ინიციატივის წარმოდგენის შემთხვევაში მერი ინიციატორს უბრუნებს წინადადებით მათთვის პრიორიტეტული პროექტის ღია კენჭისყრის წესით არჩევისა და წარმოდგენის მიზნით. საბოლოოდ შერჩეული პროექტები გამოვლინდება 11 სექტემბრამდე და გამოცხადდება 16 სექტემბრამდე პერიოდში.

პროექტის მსველელობა და მიმდინარეობა მუდმივად გაშუქდება მუნიციპალიტეტის ოფიციალურ ვებგვერდზე: <http://tskaltubo.gov.ge> და მუნიციპალიტეტის ადმინისტრაციულ შენობაში საინფორმაციო დაფაზე, ასევე ინფორმაცია გადაეცემათ კოორდინატორებს, რომლებიც მოახდენენ მოსახლეობის ინფორმირებას პროექტის მსველეობის და შედეგების თაობაზე.

წყალტუბოს მუნიციპალიტეტის ზონებში სამოქალაქო ბიუჯეტის საპროექტო ინიციატივებზე საბოლოო გადაწყვეტილების მიღების მიზნით ღია კენჭისყრის პროცედურა

მოსახლეობის მიერ პროექტების შერჩევა ხორციელდება კენჭისყრის საფუძველზე. საპროექტო ინიციატივაზე ხმის მიცემის პროცედურა განხორციელდება ღია კენჭისყრის საფუძველზე 2018 წლის 4-6 სექტემბერს ქალაქ წყალტუბოში - სამ ზონაში სპეციალურად გამოყოფილ დანიშნულების პუნქტში, რომელიც განისაზღვრება მუნიციპალიტეტის მიერ შესაბამისი ზონის კოორდინატორთან წინასწარი შეთანხმების შემდეგ.

სამივე ზონაში გაიხსნება ერთი ადგილი მაინც, სადაც მოსახლეობა შეძლებს აირჩიოს პროექტი. კენჭისყრის ადგილები უნდა განთავსდეს ღია ცის ქვეშ ან შენობებში,



შესაბამისი ზონის ცენტრში და სხვადასხვა სოციალური ჯგუფების წარმომადგენლებს ხმის მიცემის საშუალება უნდა მისცენ. კენჭისყრის ჩატარების ადგილი ცნობილი უნდა იყოს კოორდინატორისთვის და საინფორმაციო საშუალებების მიერ უნდა იყოს გავრცელებული კენჭისყრამდე 10 დღით ადრე.

საპროექტო ინიციატივაზე ხმის მიცემის პროცედურა განხორციელდება საარჩევნო ბიულეტენის ან/და ონლაინ-კენჭისყრისთვის სპეციალურად შექმნილი ელექტრონული ბიულეტენის ფორმის მეშვეობით.

მოქალაქეს ხმის მიცემის უფლება აქვს მხოლოდ წყალტუბოს მუნიციპალიტეტის იმ ზონაში ინიცირებულ საპროექტო ინიციატივასთან დაკავშირებით, სადაც იგი არის რეგისტრირებული ან/და ფაქტობრივად მცხოვრები. კენჭისყრა ხორციელდება მხოლოდ ერთი ინიციატივის შერჩევით შესაბამის საცხოვრებელ ზონაში.

ხმის მიცემის საბოლოო შედეგები შედგება ელექტრონული და ქალაქის ბიულეტენების მეშვეობით ჩატარებული კენჭისყრის შედეგებისგან რეიტინგული სიის სახით. გამარჯვებული საპროექტო ინიციატივები გამოვლინდება ხმათა მაქსიმალური რაოდენობით, რომლის ფინანსური ღირებულება ჯამში არ უნდა აღემატებოდეს კონკრეტული ზონისთვის გამოყოფილ თანხას (50 000 ლარს).

იმ შემთხვევაში, როდესაც ფინანსური რესურსები რეიტინგული სიიდან სხვა პროექტის განხორციელების საშუალებას იძლევა, განსახორციელებლად შეირჩევა სიაში რიგით მომდევნო, თუ მისი ღირებულება არ აღემატება თანხას. თუ თანხას აღემატება, მაშინ იგივე პირობებით შეირჩევა მომდევნო. ფინანსური რესურსების დარჩენის შემთხვევაში, თითოეულ ზონაში ისინი შეიძლება გაერთიანდნენ და მიმართული იქნეს საერთო სიიდან მომდევნო ყველაზე რეიტინგული პროექტების განხორციელებაზე.

პროექტები, რომლებიც წარმოდგენილი იქნება გამოკითხვის შედეგად გამოვლენილი პრიორიტეტების საფუძველზე, აღინიშნება, როგორც "პრიორიტეტი" და სიაში პირველ პოზიციას იკავებენ.

ხმების თანაბრად განაწილების შემთხვევაში, შერჩეული იქნება პროექტი, რომელიც პრიორიტეტულია შესაბამის ზონაში პრიორიტეტების განსაზღვრის შესახებ ჩატარებული გამოკითხვის შედეგების მიხედვით.

ყველა სრულწლოვან მოქალაქეს, რომელმაც მიაღწია 18 წლის ასაკს (საქართველოს კანონმდებლობის მიხედვით) უფლება აქვს თითო ხმა მისცეს საპროექტო ინიციატივაზე.

კონკრეტული პროექტისთვის ხმის მიცემამდე მოქალაქე უნდა გაეცნოს შესაბამის ზონაში შემოთავაზებული პროექტების მთელ სიას კოორდინატორის მიერ წინასწარ მომზადებულ საინფორმაციო დოკუმენტში. პროექტების საინფორმაციო დოკუმენტი უნდა მოიცავდეს თითოეული პროექტის შესახებ შემდეგ ინფორმაციას: პროექტის სათაური, მოკლე აღწერა, ბიუჯეტი, ავტორი/ავტორები, პროექტის ლოკალიზაცია, რა



პრობლემის გადაჭრაზე არის მიმართული, განხორციელების ვადა, ფოტო. გაცნობის შემდეგ შესაბამის ზონაში მცხოვრები მოქალაქე ირჩევს პროექტს საარჩევნო ბიულეტენის ქაღალდის ფორმის გამოყენებით საარჩევნო უბნებში ან ბიულეტენის ელექტრონული ფორმით ინტერნეტში. მოქალაქის მიერ ორივე ფორმის გამოყენების შემთხვევაში, გაითვალისწინება მხოლოდ ქაღალდის ფორმა.

მოქალაქის მიერ მეორედ ხმის მიცემის მცდელობისას მოქალაქე დაკარგავს ყველა ხმას და მისი ხმები წაიშლება ყველა პროექტიდან.

ზემოთ აღნიშნული პროცედურების განხორციელებას (ხმის მიცემისათვის განკუთვნილ პუნქტში მოქალაქეთა რეგისტრაციას, მათი ხმების დათვლას, გამარჯვებული პროექტის გამოვლენას, პროექტების სიის შექმნას განსახორციელებლად) უზრუნველყოფს ზონებში არსებული წარმომადგენლობითი საბჭოები. წარმომადგენლობითი საბჭოს მუშაობის ყველა დოკუმენტი წარმოდგენილი იქნება ოქმების სახით ყველა მონაწილის ხელმოწერებით. ხმების დათვლის შედეგები და გამარჯვებული პროექტები გამოქვეყნებული იქნება მუნიციპალიტეტის ოფიციალურ საიტზე.

## 2018 წლის სამოქალაქო ბიუჯეტის ფორმირების სქემა

1. 2018 წლის 01 ივლისიდან, 25 ივლისის ჩათვლით – საინფორმაციო კამპანია ჩატარდება ქალაქის დასახლების ერთეულებში, წარიმართება საორგანიზაციო სამუშაოები ქალაქის შესაბამის ზონაში „წარმომადგენლობითი საბჭო“-ების შესაკრებად
2. 2018 წლის 15 ივლისიდან, 06 აგვისტოს ჩათვლით, საპროექტო ინიციატივის შევსებული განაცხადის აპლიკაციის ფორმები მოქალაქის მიერ გაიგზავნება წყალტუბოს მუნიციპალიტეტის მერიის ელ-ფოსტაზე [tskaltubo1@gmail.com](mailto:tskaltubo1@gmail.com) ან ჩაბარდება მერიის კანცელარიაში.
3. 2018 წლის 06 აგვისტოდან 25 აგვისტოს ჩათვლით, – წყალტუბოს მუნიციპალიტეტის მერი აგზავნის საპროექტო ინიციატივებს „სამოქალაქო ბიუჯეტის საბჭო“-ს უახლოეს სხდომაზე განსახილველად, სადაც იგი განიხილება ტექნიკური, ფინანსური და იურიდიული გადამოწმების თვალსაზრისით. რეზულტატი ეცნობება წყალტუბოს მუნიციპალიტეტის მერს და თანდართული იქნება რეკომენდაცია, რომ გადააწეროს ამავე მუნიციპალიტეტის მერიის უფლებამოსილ პირს პირველადი შედეგების საჯარო გამოქვეყნებისთვის, ვებ-გვერდზე განსათავსებლად. წყალტუბოს მუნიციპალიტეტის მერი, თავის მხრივ გადააწერს წყალტუბოს მუნიციპალიტეტის მერიის უფლებამოსილ პირს, რომლის მეშვეობით პირველად შედეგებს განათავსებს ოფიციალურ საიტზე.

4. 2018 წლის 26 აგვისტოდან 01 სექტემბრის ჩათვლით, - მერი გადამოწმებულ საპროექტო ინიციატივებს, წყალტუბოს მუნიციპალიტეტის მერის წარმომადგენლის ხელშეწყობით აცნობებს კოორდინატორებს, ქალაქის „წარმომადგენლობით საბჭოებზე“ საბოლოოდ განხილვის მიზნით. წარმართება შეხვედრები ქალაქში „წარმომადგენლობითი საბჭო“-ების შესაკრებად, პირველადი შემოწმებული საპროექტო ინიციატივების ღია კენჭისყრის საფუძველზე საბოლოო შერჩევისა და მათი 2019 წლის მუნიციპალურ ბიუჯეტში ასახვის მოთხოვნის მიზნით.

5. 2018 წლის 10 სექტემბრის ჩათვლით, - ღია კენჭისყრის საფუძველზე არჩეული საპროექტო ინიციატივების შესახებ, წყალტუბოს მუნიციპალიტეტის მერის წარმომადგენლის ხელშეწყობით, კოორდინატორების მიერ, ეცნობება წყალტუბოს მუნიციპალიტეტის მერს, რომელიც 15 სექტემბრის ჩათვლით თავის მხრივ, ერთობლივად აცნობებს „სამოქალაქო ბიუჯეტის საბჭო“-ს, ღია კენჭისყრის საფუძველზე არჩეული პროექტების სტატისტიკური აღრიცხვისათვის, საფინანსო-საბიუჯეტო სამსახურს, მომავალი წლის დასაგეგმ ბიუჯეტში გათვალისწინებისათვის და უფლებამოსილ პირს, ღია კენჭისყრის საფუძველზე არჩეული პროექტების საიტზე ატვირთვისათვის.

6. ღია კენჭისყრის საფუძველზე არჩეული პროექტი ხორციელდება წყალტუბოს მუნიციპალიტეტის მერიის სამსახურების მიერ დებულებებით გაწერილი კომპეტენციის ფარგლებში. განხორციელების პერიოდში წარმართება ღია კენჭისყრის საფუძველზე არჩეული პროექტების სამოქალაქო მონიტორინგი.